



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiārvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

An possint ex natura peccare sicut ante. D

urn:nbn:de:hbz:466:1-38829

sed nec prorsus velle possint. Non possunt itaque boni angelii velle malum, vel velle esse miseri: neq; hoc habent ex natura, sed ex gratia beneficio. Ante gratia nanque confirmationem potuere peccare angeli: & quidem etiam peccauerunt, & dæmones facti sunt. Vnde Augustinus. in lib. contra Maximin. Creaturarum natura cælestium mori potuit, quia peccare potuit. Nam angelii peccauerunt, & dæmones facti sunt: quorum diabolus est princeps: & qui non peccauerunt, peccare potuerunt: & cuicunque creaturæ rationali præstatur, ut peccare non possit, non est hoc naturæ propriæ sed Dei gratia. Ideoque solus Deus est qui gratia cuiusquam, sed natura sua non potuit nec potest nec poterit peccare. Ecce hic insinuarunt, quod angelii ante confirmationem peccare potuerunt, sed post confirmationem nō possunt. Quod potuerunt fuit eis ex libero arbitrio, quod est eis naturale: quodvero modo non possunt peccare non est eis ex natura, id est, libero arbitrio sed ex gratia, ex qua gratia etiam est, ut ipsum liberum arbitrium iam non possit peccato servire.

Quod post confirmationem angeli non possint ex natura peccare sicut ante: non quod debilitatum sit eorum liberum arbitrium sed confirmatum.

Non ergo post confirmationem angeli de natura sicut ante peccare potuerunt, non quod liberum arbitrium eorum debilitatum sit per gratiam, sed ita potius confirmatum, ut iam per illud nō possit bonus angelus peccare q; vltq; nō est ex lib. arbit. sed ex gratia Dei. Quod ergo Hier. ait, Cætera cum sint liberi arbitrii, possunt flecti in vtrâque partem: accipi oportet secundum statum in quo creata sunt. Talis. & homo & angel' creat' est, qui ad vtrumq; flecti poterat: sed postea boni angelii ita per gratiam sūt confirmati, ut peccare nō possint: & mali ita invitio obdurati, ut bene vivere nō.

neque-

*Lib. 3. cap.
12 ad finem
tomo 6.*

*Hier. ad finem
nē tradat
de filio pro-
digio ad
Damā.*

*I sed lib. de
summo bes'*

nequeant. Similiter etiam illud Isidori intelligentum est, Angeli mutabiles sunt natura: immutabiles sunt gratia: quia ex natura in primordio sua conditionis mutari potuerunt ad bonum siue ad malum: sed post per gratiam, ita bono addicti sunt, ut inde mutari nequeant. Ad hoc enim repugnat gratia non natura.

*Quod angeli mali viuacem sensum non perdiderunt,
& quibus modis sciant.*

*Lib. de sum-
mo bon. i.
Cap. 12. post
medium.*

*Lib. 2. super
Gen. ad lute-
ram c. 17. in
fin. Tom. 3.*

*Cap. 7. in
 principio.*

Et licet mali angeli ita per malitiam sint obdutati, viuaci tamen sensu non sunt penitus priuati. Nam ut tradit Isidorus, triplici acumine scientiarum dæmones: sc. subtilitate naturæ, experientia temporum, reuelatione supernorum spirituum. De hoc etiam Aug. ait, Spir. mali quædam vera de temporalibus rebus noscere permittuntur: partim subtilitate sensus, partim experientia temporum callidiores propter tam magnam longitudinem vite: partim sanctis angelis, quod ipsi ab omnipotenti Deo discunt iussu eius sibi reuelantibus. Ali quando iidem nefandi spiritus, & que facturi sunt velut diuinando prædicunt.

*Quod magicæ artes virtute & scientia diaboli valent: qua
virius & scientia est ei data à Deo vel ad fallendum
malos, vel ad monendum, vel exercen-
dum bons.*

Quorum scientia atque virtute etiam magicæ artes exercentur: quibus tamen, non tam scientia quam potestas à Deo data est, vel ad fallendum fallaces, vel ad monendum fideles, vel ad exercendam probandamq; instorū patientiā. Vnde Aug. in lib. 3. de Trin. Video, inquit, infirmæ cogitationi quid possit occurrere: cur scil. ista miracula etiam magicis artibus siant. Nam & magi Pharaonis serpentes fecerunt, & alia. Sed illud est ampli⁹ admirandum, quomodo magorum potētia, que serpentes facere potuit, ubi ad muscas minutissimas,

scili-